

Također, Porezna uprava Federacije BiH – Središnji ured Sarajevo je dala pismene saglasnosti kantonalnim poreznim uredima za nabavku većeg broja dezinfekcionih sredstava za čišćenje prostora svih organizacionih jedinica kao i za nabavku veće količine sredstava za održavanje lične higijene zaposlenika.

Zbog vanredne situacije, a u cilju provođenja mjere zaštite 1257 uposlenika, kao vid prevencije donesena je i Odluka o korištenju godišnjeg odmora broj: 13/06-1-30-16-36-4/20 od 13.03.2020.godine u trajanju od 15 radnih dana za određeni broj uposlenika uz obavezu rukovodioca - pomoćnika direktora da osiguraju minimalan broj uposlenika u svim procesima rada a posebno na poslovima koji su vezani za rad sa strankama i poslovima koji su vezani rokovima, kako bi se potrebe građana i poreznih obveznika zadovoljile tokom perioda trajanja godišnjeg odmora. Prije donošenja Odluke upućen je hitan zahtjev Sindikalnoj organizaciji Porezne uprave FBiH, dana 13.03.2020. godine, za dostavu mišljenja u vezi sa prijedlogom v.d. direktora Porezne uprave FBiH za donošenje pomenute Odluke. Predsjednica Sindikalne organizacije Porezne uprave Federacije putema e-maila tražila je prolongiranje donošenja Odluke do sjednice Vlade Federacije BiH koja je zakazana za 16.03.2020. godine. Dana 17. 03.2020. godine zaprimljeno je Mišljenje Sindikalne organizacije PU FBiH o potrebi stavljanja van snage donesene Odluke uz prijedloge za poduzimanje aktivnosti koje je Porezna uprava već ranije poduzela i o istim obavjerala Sindikalnu organizaciju PU FBiH aktom broj: 13/06-345-1-571-2/20 od 13.03.2020.godine.

Vlada Federacije BiH na proširenoj sjednici održanoj dana 16.03.2020. godine proglasila je stanje nesreće i izdala je preporuku poslodavcima da se radnicima omogući korištenje godišnjeg odmora, korištenje odsustva u skladu sa zakonom, kolektivnim ugovorom i pravilnikom o radu, da se radnicima roditeljima malodobne djece do 10 godina omogući odsustvo s posla jednog roditelja u slučaju da oba roditelja rade, a sve u cilju sprečavanja nastupanja štetnih posljedica po zdravlje zaposlenika.

Kako se u navedenom periodu očekivao veliki broj poreznih obveznika i građana u poslovnim prostorijama Porezne uprave zbog predaje godišnjih poreznih prijava i drugih poslova iz nadležnosti Porezne uprave, to je bilo neophodno poduzeti preventivne mjere u cilju zaštite zaposlenika Porezne uprave Federacije.

Obzirom da je preporuka Vlade Federacije BiH bila da se zaposlenicima omogući korištenje godišnjeg odmora svim rukovodiocima - pomoćnicima direktora upućeno je Obavještenje broj: 13/06-1-30-16-36-4-1/20 od 17.03.2020. godine da zaposlenicima svojih organizacionih jedinica, koji to žele, omoguće korištenje godišnjeg odmora, u trajanju do 15 radnih dana, sa mogućnošću naizmjeničnog odobravanja korištenja godišnjeg odmora zaposlenicima svojih organizacionih jedinica u navedenom periodu. Porezna uprava Federacije BiH postupila je u skladu sa preporukama Vlade Federacije BiH te omogućila zaposlenicima korištenje godišnjeg odmora ukoliko to žele. Veliki broj zaposlenika u dogovoru sa rukovodiocima - pomoćnicima direktora podnio je zahtjev za korištenje godišnjeg odmora. Zaposlenike Porezne uprave nismo prinudno slali na godišnji odmor nego je data mogućnost korištenja godišnjih odmora, prevashodno radi zaštite života i zdravlja kako naših zaposlenika tako i poreznih obveznika i građana. Namjera je da što veći broj zaposlenika ostane u svojim kućama, kako bi se smanjilo izlaganje mogućoj zarazi a time i širenju i prenosu virusa, a što su i preporuke i naredbe Vlade Federacije BiH i kriznih štabova.

Osim što je zaposlenicima omogućeno korištenje godišnjeg odmora Porezna uprava FBiH ispoštovala je i druge preporuke Vlade FBiH i poduzela niz aktivnosti kako bi u ovoj vanrednoj situaciji zaštila svoje zaposlenike, porezne obveznike i građane, kako slijedi: